



Sesida dals

Communitgà ils

Protocol nr.

21 da favrer 2023

22 da favrer 2023

139/2023

Dumonda Claus

concernent la mancanza da plazs per uffants cun basegns speziels en scola:
Sche l'integrasiun arriva a ses cunfins!

Resposta da la Regenza

Las suandantas explicaziuns pertutgan scolaras e scolaras (SeS) cun in basegn spezial da promoziun en il sector dals cumportaments problematic. Las dumondas areguard plazs per SeS cun impediments, incl. eventuels cumportaments problematic supplementars, vegnan tractadas en la dumonda Dietrich concernent la mancanza da persunal e da plazs en il sector da promoziun pretensius.

Tar la dumonda 1: Tenor la retschertga davart l'analisa dal basegn, ch'è vegnida elavurada l'onn 2022 sco basa per la planisaziun da la purschida da la Regenza en il sector pretensius per la perioda 2024–2026, e sin fundament da las cundiziuns generalas en il chantun Grischun pon vegnir endrizzads var 117 plazs da scola e 93 plazs d'abitar en dependenza dal basegn da promoziun individual e da la cumposiziun dals SeS en las scolas spezialas. Resguardond questas dependenzas sa repartan quests plazs sin la scola-dimora Scharàns cun 26 plazs da scola e 21 plazs d'abitar, sin la scola-dimora Zizers cun 25 plazs da scola e 21 plazs d'abitar, sin l'internat da scola Flem cun 16 plazs da scola e 14 plazs d'abitar, sin la scola alpina Avrona cun 24 plazs da scola e 24 plazs d'abitar e sin la chasa da terapia Fürstenwald cun 26 plazs da scola e 13 plazs d'abitar. Il november 2022 eran enconuschents 14 SeS cun in basegn da scola speziala, che spetgavan da survegnir l'admissiun per l'onn da scola 2022/23. Perquai ch'il basegn dals SeS po variar en il sector dals cumportaments problematic e perquai ch'igl è plinavant pussaivel d'entrar e da sortir da las instituziuns er durant l'onn da scola, pon ils plazs necessaris vegnir determinads mo approximativamain. La situaziun vegn eruida danovamain en il rom da l'analisa dal basegn.

Tar la dumonda 2: Per satisfar al basegn da scolaziun speziala dals SeS en il sector dals cumportaments problematic e per meglierar la situaziun actuala èsi planisà da stgaffir gia per il proxim onn da scola 2023/24 plazs supplementars temporars per la scolaziun speziala. Per stgaffir novas purschidas resp. novs plazs sto vegnir sclerì il basegn, ed i dovra resursas supplementaras, en spezial personal d'instrucziun e d'assistenza adattà sco er ina infrastruttura adeguata. La planisaziun correspunden- ta vegn actualmain elavurada en cooperaziun cun las instituziuns cumpetentas da la scolaziun speziala. Per ils plazs a partir da l'onn da scola 2023/24 dependa ella ultra da quai da las relaziuns (p.ex. cumposiziun dals SeS) e da las pussaivladads specifi- cas (p.ex. resursas da personal, infrastruttura) da las instituziuns. Il basegn da plazs a media ed a lunga vista vegn tractà en l'analisa dal basegn per la planisaziun da la purschida en il sector da las mesiras pretensiusas da la pedagogia speziala 2024– 2026.

Tar la dumonda 3: Tenor las disposiziuns da la Lescha da scola èsi pussaivel da realisar e da finanzia differentas mesiras da la scolaziun speziala. Ils detagls ston vegnir sclerids pli exactamain en cas da basegn. Envers soluziuns transitoricas, sco quellas che vegnan tematisadas en la dumonda, ha il chantun ina tenuta precauta. Ellas pudessan numnadamain manar pli e pli fitg en direcziun d'in svilup cun solu- ziuns a curta vista e da curta durada. Talas soluziuns transitoricas correspundessan mo pauc al basegn dals SeS en il sector pretensius, perquai che la midada tranter purschidas, ma er ils passadis respectiv pon esser engrevgiants gist per questa gruppa en mira. Ultra da quai exista il privel che la planisaziun chantunala da la pur- schida en il sector pretensius, che duai metter a disposiziun ina purschida a media ed a lunga vista, vegniss sutminada. Sco menziunà en la resposta a la dumonda 2 èsi percurter gia planisà d'installar per l'onn da scola 2023/24 plazs da durada limi- tada per la scolaziun speziala.



En num da la Regenza

Il president:

Peter Peyer

Il chancelier:

Daniel Spadin